


Biblia alang sa Kabataan
motanyag

Si Pedro ug ang Gahum
sa Pag-ampo



Gisulat ni: Edward Hughes

Gihulagway ni: Janie Forest
Alastair Paterson

Gipahaom ni: Ruth Klassen

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2023 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.




Si apostol Pedro
mibiyaha sa tibuok
nasod aron sa
pagsulti sa uban
bahin kang
Jesus.

Usa ka
adlaw

niana, sa usa ka lungsod nga
gitawag ug Lydda, nahimamat
niya ang usa ka tawo nga
paralitiko na sulod sa
walo ka tuig. "Giayo ka ni
Jesu-Kristo," miingon si
Pedro. "Bangon ug himoa
ang imong higdaanan.
Mibangon dayon ang
lalaki." Ang mga tawo
nga nakakita niini

mibalik
ngadto sa
Ginoo.







Sa duol nga lungsod sa Joppe ang mga tawo naguol. Usa ka Kristohanong babaye nga ginganlag Dorcas bag-o lang namatay. Sa kasubo nga giandam sa iyang mga higala ang iyang lawas alang sa

paglubong, ug dayon gibutang siya sa usa ka lawak sa itaas diin sila nagbangotan ug dungan.




Apan ang mga higala ni Dorcas nakadungog nga si Pedro naa diha sa maong dapit. Gitawag nila si Pedro nga paadtoon dayon sa Johe. Sa pag-abot niya sa lawak sa itaas, gipakita kaniya sa mga babayeng biyuda ang mga tunika ug mga sapot nga gihimo ni Dorcas alang kanila. Naghilak ang tanan.



Apan silang tanan gipagula ni Pedro, ug miluhod siya ug nag-ampo. Ug milingi siya sa lawas ug miingon, "Dorcas, bangon." Ug gibuka niya ang iyang mga mata, ug sa pagkakita niya kang Pedro milingkod siya.





Unya iyang gitunol kaniya ang iyang kamot ug gipatindog siya; ug sa dihang iyang gitawag ang mga santos (mga Kristohanon) ug mga biyuda, iyang gipresentar siya nga buhi. Ug kini nabantug sa tibuok Joppe, ug daghan ang mituo sa Ginoo.



Si Pedro nagpabilin ug dugay sa Joppe, sa usa ka balay daplin sa dagat. Usa ka adlaw niana si Pedro misaka sa atop sa balay aron

mag-ampo. Kon iyang gitan-aw ang mga paril



sa siyudad, lagmit nakakita siyag tulo ka biyahedor nga nangabot aron sa pagpangita kaniya.



Kini nga mga tawo mga sulugoon sa usa ka Romanong sundalo nga ginganlag Cornelio nga nagsimba sa Diyos.



Gipadala ni Cornelio ang iyang mga sulugoon aron pagpangita ni Pedro tungod kay giingnan siya sa usa ka anghel pinaagi sa usa ka panan-awon, "Ipadala kay Pedro.



Siya nagpuyo uban ni Simon, usa ka magtatabas sa panit kansang balay anaa sa daplin sa dagat. Sultihan mo niya kung unsa ang inyong buhaton."




Samtang nag-ampo si Pedro sa atop sa balay, ang Dios nagpadala kaniya ug usa ka panan-awon. Morag dakong panid nga gipaubos sa yuta. Diha sa panid mao ang mga mananap ug mga langgam.



Si Pedro makaingon nga kini mga "hugaw".

Nagpasabot kana nga ang relihiyosong mga Hudiyo wala tugoti sa pagkaon niini. Sa kalit lang, usa ka tingog ang miabut kaniya.

"Pagbangon, Pedro, pag-ihaw ug kaon."



"Dili, Ginoo!" Gisultihan ni Pedro ang Dios. "Kay wala pa gayud ako makakaon ug bisan unsa nga ordinaryo o mahugaw." Usa ka tingog misulti kaniya sa ikaduhang higayon.

"Ang gihinloan sa Dios dili nimo tawgon nga ordinaryo." Kini gihimo sa tulo ka higayon. Ug unya ang panid gibayaw ngadto sa langit pag-usab.




Si Pedro wala makasabot sa gipasabot sa panan-awon. Samtang naghunahuna siya niini, gisultihan siya sa Dios nga nangita kaniya ang tulo ka tawo ug kinahanglan siyang mouban kanila.



Sa dihang gisultihan sa tulo ka lalaki si Pedro nga ang usa ka balaang anghel misulti kang Cornelio sa pagpakuha kaniya, si Pedro nahibalo nga ang Dios nagtultol kaniya. Pagkasunod adlaw, siya ug ang unom ka higala miadto sa balay ni Cornelio.





Tingali, samtang nagpaingon siya sa balay sa usa ka dili- Judio nga tawo, si Pedro nagsugod sa pagsabut nga ang Dios nahigugma sa tanan nga mga tawo - nga ang Dios gusto nga ang tanan nga mga nasud makaila nga si Jesus mao ang Manluluwas sa kalibutan. Sa pag-abot ni Pedro, mihapa si Cornelio sa pagsimba sa iyang atubangan.



"Tindog. Ako sa akong kaugalingon tawo usab,"
giingnan ni Pedro si Cornelio. Unya miingon siya sa
tanang tawo sa balay, "Nasayod kamo nga supak sa
balaod alang sa usa ka Judio ang pagpakig-uban o
pag-adto
sa laing
nasod."



"Apan ang Dios nagpakita kanako nga dili ko angayng tawgon ang bisan kinsang tawo nga ordinaryo o mahugaw."




Gisultihan ni Pedro kining mga Hentil (dili Judio) nga si Jesus mao ang anak sa Dios Nga namatay sa krus ug nabanhaw aron mahimong Manluluwas sa kalibutan. Unya mikunsad sa kanilang tanan ang Espiritu Santo ug misugod sila sa pagdayeg sa Dios.



Ang unom ka Hudiyong higala ni Pedro natingala. Kadto sama sa Pentecostes. Ang gasa sa Espiritu Santo gibubo usab sa mga Gentil. Unya gibunyagan ni Pedro ang bag-ong mga magtutuo ni Jesus.



Sa Jerusalem, gibadlong sa mga Kristohanon si Pedro tungod sa pagduaw sa mga Hentil. Busa gisultihan sila ni Pedro mahitungod sa mga panan-awon nga nadawat nila ni Cornelio diha sa pag-ampo. Sa pagkadungog nila niining mga butanga, ang mga Kristohanon sa Jerusalem nangahilom. Ug ilang gihimaya ang Dios, Nga, pinaagi sa pag-ampo, nga nagpakita sa Kristohanong simbahan nga ang gugma sa Dios alang sa tanan.



Si Pedro ug ang Gahum sa Pag-ampo

Estorya gikan sa Pulong sa Dios, ang Biblia,

makita sa

Mga Buhat 9-12

"Ang pag-abot sa Imong mga Pulong
nagahatag og kahayag." Salmo 119:130





Ang Kataposan

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

